

Fecha: Yanüari 13, 2012

Tópiko: Na Prinsipio

Meta: Pa eksaminá e punto di bista bibliko di kreashon i su implikashonnan pa salbashon.

Konosé: Kreashon ta revelá un Dios ku tin un plan i propósito pa nos.

Sinti: Apresιά Dios Su kuido personal pa kada un di nos.

Hasi: Accept and teach the biblical beliefs of creation

Introdukshon

I ta difisil pa imaginá dos punto di bista mas diferente di nos origen ku e modelo bibliko di Kreashon i evolushon ateista. Na promé lugá esun ta presentá un kreashon ku tabatá planiá, kalkulá, ku nada lagá pa kasualidat. Den kontraste, e modèl evolushonario tur kos ta kasualidat. Na di dos lugá, den e relato bibliko, tur kos a wòrdu kreá pa un propósito; Dios tabatin un meta final, un propósito pa loke E la krea. Den kontraste, evolushon ta traha riba e base ku no tin un meta final, no tin un forsa guiá pa propósito ku ta motivá loke ta kreá. Mutashon pa kasualidat i selekshon natural (produktonan di kasualidat) ta traha huntu siegamente, wardando loke ta funshoná i rechasando loke no ta funshoná. Finalmente, e relato bibliko ta siña ku sernan humano a wòrdu kreá den imagen di Dios. Evolushon ta siña ku nan a wòrdu krea den imagen di kualkier bestia di kria òf di mondi ku pa kasualidat a èksistí promé ku *Homo sapiens*.

E siman aki, nos ta bai tira un bista riba e doktrina di Kreashon. Si nos komprondé kreashon robes, nos ta sigur ku lo komprondé hopi otro kos tambe robes. Ta asina krusial e siñansa aki ta pa loke nos ta kere komo Adventistanan di Shete dia (*Adult Teacher Sabbath School Bible Study Guide p. 17*).

Deklarashon: Dios a krea e tera: E la form'é i despues E la yen'é.

Lesá: Genesis 1: 2, 6-8, 20-23

Meditá: Relashon vertikal

Pregunta: Kiko e versikulonan aki ta komuniká tokante ken Dios ta?

Kompartí entre dos persona: Relashon horizontal

Aplikashon: Bo ta haña e ta fasil pa kere den evolushon?

Deklarashon: Dios ta bisa ku e ta e Kreador di tera.

Lesá: Job 38: 4-7

Meditá: Relashon vertikal

Pregunta: Kiko ta e propósito di e preguntanan retóriko na Job?

Kompartí entre dos persona: Relashon horizontal

Aplikashon: Tin pregunta ku lo bo kier hasi na un evolushonista?

Deklarashon: Kreashon ta revelá un Dios ku ta kuida pa nos a pesar di e efektonan di pika.

Lesá: Salmo 19:1-4

Meditá: Relashon vertikal

Pregunta: Kon naturalesa ta revelá kon Dios ta kuida pa nos?

Kompartí habrí ku bo maestro

Aplikashon: E tera ta revelá e amor i poder di su Diseñadó! Evolushon a revelá algu na bo tokante su diseñadó?

Deklarashon: Dios ken tin poder pa krea tin poder pa redemí.

Lesá: Juan 1:1-3, 14, Romanonan 5:12 i 19

Meditá: Relashon vertikal

Pregunta: Kon redenshon ta impliká ku tur kos tabata un tempu “hopi bon?”

Kompartí entre dos persona: Relashon horizontal

Aplikashon: Bo a konsiderá kon absurdo evolushon ta den konteksto di e krus?

Resumen:

1. Dios a krea e tera: E la **form’é** i despues E la **yen’é**.
2. Dios ta bisa ku e ta e Kreador di tera.
3. Kreashon ta revelá un Dios ku ta kuida pa nos a pesar di e efektonan di pika.
4. Dios ken tin poder pa krea tin poder pa redemí.

Aplikashon general

Kon importante un komprendementu korekto di kreashon ta pa bo apresio di bo origen, nifikashon i destino?